



03-10-2023

UKA2023/025

Pele Broberg, Naleraq

**Uunga siunnersuut: Pilersaarusiorneq aamma nunaminertat atorneqartarnerat pillugit Inatsisartut inatsisaata allanngortinnissaa pillugu Inatsisartut Inatsisaat (Piujuartitsisumik ineriartortitsinerup imarisaa pillugu aalajangersaaneq, nuna tamakkerlugu pilersaarutip imarisaa tamanullu saqqummiussineq, immikkoortunut pilersaarusiornermut ataqtigiiissaarneq, sumiiffinnik aalajangersaaneq, sammiviinissamut pilersaarusiorsinnaaneq, nunap immikkoortuinut pilersaarutinut pingaarnernut sinaakkutinik immikkoortunillu aalajangersakanut eqqussineq, kiisalu suliniutissanut qinnuteqaatinut aalajangersakkanik erseqqissaa-neq).**

(Aningaasaqarnermut Akileraartarnermullu Naalakkersuisoq).

## **Siullermeernera:**

Naleqqamiit Naalakkersuisut siunnersuutaanut qujavugut.

Qularnanngitsumik saqqummiussami atuaasut amerlanerit tapersissajunnarsivaat, ajornannginnerusumik eqannerusumillu nunaminertamik inniminniisarnissaq.

Naleqqamiillu maluginianngitsuunngilarput Naalagaaffiit Peqatigiit Nunarsuaq Tamakkerlugu Anguniagaat aallaavigalugit illuutinut pilersaarusiorneq nunarsuup sinneranut naleqqunnerutiler-lugu sulisoqalernera.

Tamanna qularnanngitsumik sanaartornermut piumasaqaatinik nutarteqqammernerup kingunerisanik Parisimut isumaqatigiissummut naleqqussarneq nangillugu inissinneruvoq.

Kingunerisa ilaat maluginiarneqalereersoq, nunatsinni inuuniarnerup akitsoriartuinnarnera, qularringilara politikkikkut Naalakkersuisut siunnerfianni nassuiarlumarumaaraat innuttaasunut.

Tassami Naleqqami kissaatigisimagaluqaarpunatsinni inuuniarneq akikinnerusoq anguniarneqarpat, Naalakkersuisut politikkikkut pingaarnersiuillutik pisariaqanngitsunik nunatta avataani aningaasalersuineq killilersorsinnaallugu. Ilalumi Aningaasanut Inatsimmi oqaatsit kusanaqisut ilanngunneqartarsimagaluarpun, timalersorneqarnissaallu tunuarsimaarfigineqarluni.

Ullumikkullu sammisatsinni Naleqqamiit neriuutigisimagaluqaarpun Kalaallit Nunaqavissut periarfissaat ajornannginnerutillugit qulakkeerinnittooqarsinnaasimanera.



# Naleraq

Nunasisut danskit ullumikkut nalunngereerparput periuseq sungiusimasartik atorluarsinnaareeraat. Ernumassuterpullu tassaavoq nunasisut, nunatsinni sullinneqarnerat pitsangorsartuarneqarnera, nu-naqavissut pisariaqartitaat qiviarneqaqqinngitsoorneqarnerat.

Assersuusiorlunga apeqquteqarlanga:

Nunaqarfimmi najugaqaruit, qarasaasiat atungarivallaarnagit, siunnersuut akuersissutigineqarpat ajornannginnerusumik illuliorsinnaassavit?

Naleqqami Jens Napaattuup ukiuni kingullerni ilungersuutigisimasa, nammieq illuliassat ajornannginnerusumik qinnutigalugit akuersissutigineqarnissaat qiviaraanni, maanna aamma qulak-keerneqarpa qinnuteqartarnerpassuit qimallugit eqaallisaarinissaq?

Ukiorpassuarni aatsitassarsiornermi "matu ataaseq" atorlugu eqaallisaarineq ujartorneqartoq, Naleqqamiit siammerterusussimaqaarput. Soqtaatinngu Naalakkersuisoqarfimmuuppat imaluun-niit kommunimuuppat attaveqarfissaq, saaffiginniffissaq ataasiinnaatinneqarnissaa.

Naleqqamiit eqqumaariffigilluinnarparput maannamut nunatsinni najugaqartut allattorsimaffik kisiat aallaaviusoq. Nunaqavissuuguit nunasisuuguit apeqqutaatinneqanngilaq. Tamannalu nunasisut atorluartorjuuvaat soorunami.

Aamma nalunngeqaarp Danmarkimut sanilliussinissaq tulluarpallaanngitsoq, tunngaviusumik inatsisaat killilersuigami nunaminertamik pinissamut, innuttaassuseqanngikkuit.

Nunatsinnili nunap inoqqaavisut pisinnaatitaaffiit atorneqarnianngippata, soorlu nunaminertanut atuisinnaatitaanermut tunngasut, sooq taava atorluartaarneqartarp ILO-169 aammalu UNDRIP?

Danskit killeqanngitsumik nunarput atuinnarniarunikku, sooq tava "inuiattut" akuereqquvugut?

Naleqqamiit taamatut eqqarsaatissiissuteqarluta siunnersuut tusaatissatut tiguarput.